



## Comunu de Quartu Sant'Aleni



### **Tarrant a partiri is cursus de sardu. De sa metadi de cabudanni primu cursu avantzau de lìngua sarda**

Ancora un'àtera atividadi prevìdia de su progetu “Sa lìngua in Quartu”, bòfiu de su Comunu de Quartu Sant'Aleni e aprontau cun s'agiudu de s'Assòtziu Sa Bèrtula Antiga e su contributu de sa Regione Autònoma de Sardigna. Tarrant a incarrerai is cursus de sardu cun unu cursu nou de



## **Comunu de Quartu Sant'Aleni**

livellu avantzau po chi tenit su disìgiu de connosci su sardu prus a fundu. A cou de is duus cursus de livellu base, chi si sunt giai tentus aintru de custu progetu, si bolit donai, a totus is chi tenint una cumpetèntzia a su mancu de base, s'opportunità de sighiri sa formatzioni giai incarrerada o puru de ammellorai is cumpetèntzias chi si tenint giai. Sa punna est sèmpiri cussa de donai a sa genti is ainas chi sèrbint po imperai sèmpiri de prus su sardu in sa vida de ònnia diri. Su cursu at a incarrerai lunis, su 16 de cabudanni e at a acabai su 18 de onniasantu, unu atòbiu a sa cida de tres oras s'unu ònnia lunis, cun su Professori Giusepi Orrù. Su cursu est pratziau in 4 partis: stòria de sa lìngua de is orìginis finas a s'unidadi de Itàlia, fonètica e ortografia, dialetologia e variantis de sa lìngua, ainas po sa tradutzioni e esercìtziu de scrittura e, po serra, unu progetu asuba de is atividadis sighidas in su cursu. Po si scriri bastat a scarriai su mòdulu de su giassu de su Comunu de Quartu Sant'Aleni e ddu intregai cun su curreu eletrònicu a [ufitziusardu24@gmail.com](mailto:ufitziusardu24@gmail.com). Si bideus in sa Biblioteca de is lìnguas de minoria in s'Ex-Guventu de sa Crèsia de s'arrecòvidu de bia Brigata Sassari n. 4.